

**PROGRAM SARAJEVSKOG OTVORENOG CENTRA  
POVODOM 16 DANA AKTIVIZMA PROTIV RODNO ZASNOVANOG NASILJA  
i 10. DECEMBRA, MEĐUNARODNOG DANA LJUDSKIH PRAVA 2017**

Tokom posljednjih dvadeset i šest godina, globalna Kampanja 16 Dana aktivizma protiv rodno zasnovanog nasilja je bila posvećena javnom zalaganju i koordiniranju rada na podršci zaustavljanju rodno zasnovanog nasilja na lokalnom i međunarodnom nivou. Kampanja je pokrenuta na prvom Institutu za globalno liderstvo žena, koji je organizovao Centar za globalno liderstvo žena 1991. godine na Univerzitetu Rutgers.

Datumi 25. novembar (Međunarodni dan borbe protiv nasilja nad ženama) i 10. decembar (Dan ljudskih prava) su odabrani kako bi se naglasila povezanost između zaustavljanja rodno zasnovanog nasilja i vrijednosti ljudskih prava, i istaknuto je da rodno zasnovano nasilje predstavlja međunarodno kršenje ljudskih prava. Ovaj šesnaestodnevni period također ističe druge značajne datume, uključujući 29. novembar, Međunarodni dan braniteljica ljudskih prava, 1. decembar, Svjetski dan borbe protiv AIDS-a, 6. decembar, Dan obilježavanja montrealškog masakra.

U Kampanji 16 dana aktivizma učestvuju pojedinke i pojedinci i grupe širom svijeta, i koriste okvir ljudskih prava u zalaganju za uklanjanje svih oblika nasilja protiv žena kroz aktivnosti podizanja svijesti na lokalnom, državnom, regionalnom i međunarodnom nivou.

Sarajevski otvoreni centar, kao organizacija koja zagovara puno poštivanje ljudskih prava i društvenu inkluziju LGBTI (lezbejki, gej, biseksualnih, trans\* i interspolnih) osoba i žena, pridružuje se ovoj kampanji, te će realizovati niz aktivnosti u novembru i decembru 2017. godine.

**Protekle godinu je obilježila represija i policijska brutalnost nad ženama – radnicama koje su samo tražile svoja prava dozvoljenim pravnim sredstvima – štrajkom i protestima. Osuđujemo nasilje koje su ove žene pretrpile i odlučno stoji uz radnice Fortune, Borca, kao i hrabre žene Kruščice. Niko nije slobodan\_a dok svi\_e nismo slobodni\_e!**

**Uključite se i Vi u kampanju 16 dana aktivizma!**

**Koristite #16Days kada tvitate ili postavljate sadržaj na društvene mreže.**

**[www.soc.ba](http://www.soc.ba) - [office@soc.ba](mailto:office@soc.ba) - tel: 033 551 000 - fax: 033 551 002**

<b>Kada?</b>	<b>Šta?</b>	<b>Gdje?</b>	<b>Kontakt osoba:</b>
20.11.2017. 18:00 sati	<p><b>PREDAVANJE I RAZGOVOR</b>  <b>IV ciklus feminističkih predavanja i razgovora <i>Neko je rekao feminizam?</i></b>  <b>TRANS* ŽENE I FEMINIZAM</b></p> <p>Pozivamo vas na posljednje predavanje u okviru 5. ciklusa <i>Neko je rekao feminizam?</i>, na temu Trans* žene i feminizam, o kojoj će govoriti Naida Kučukalić. Biće riječi o tome kako feminizam, a posebno radikalni feminizam, ne/uključuje trans* žene i pitanja trans* žena u svoje borbe. Pozivajući se na istraživanja, znanja i iskustva koje je stekla kroz svoj bogat rad, između ostalih, i sa trans* ženama, Naida će govoriti odnosu savremenih feminističkih i transfeminističkih tokova.</p> <p>Predavačica je Naida Kučukalić</p> <p><i>Predavanje organizuju Sarajevski otvoreni centar i Fondacija Friedrich Ebert u Bosni i Hercegovini.</i></p>	<p>Sarajevo  Muzej književnosti i pozorišne umjetnosti BiH</p> <p>Sime Milutinovića Sarajlije 7</p> <p>Ulaz na događaj je besplatan, dođite na vrijeme da zauzmete svoje mjesto.</p> <p>Predavanje je na B/H/S jeziku.</p>	<p>Jasmina Čaušević  jasmina@soc.ba  033/551-000</p>

<p>21.11.2017. 11:05 sati</p>	<p><b>RADIO EMISIJA</b> <b>Seksualna i reproduktivna prava i zdravlje žena</b></p> <p>Živimo u doba stalnih neokonzervativnih prijetnji koje u fokusu imaju seksualna i reproduktivna prava i zdravlje žena. S druge strane, u BiH ne postoji sistemsko rješavanje problema pristupa biomedicinski potpomognutoj oplodnji i zdravstvenoj zaštiti žena. Pušu li i nama u BiH vjetrovi desnice koji već odavno postoje u Poljskoj, Hrvatskoj i brojnim drugim državama sa ciljem da ograniče seksualna i reproduktivna prava žena?</p> <p>O svemu ovome diskutovat će: Indiana Husić Šabanović, mama koja je rodila djecu uz medicinski potpomognutu oplodnju, Meliha Lekić, profesorica Medicinskog fakulteta u Sarajevu, Dajana Cyjetković, bivša koordinatorica u Asocijaciji XY Sarajevo te Sanja Cesar, CESI Hrvatska. <i>TBC</i></p> <p><i>Aktivnost se realizira uz podršku The National Endowment for Democracy.</i></p>	<p>BH radio 1</p>	<p>Inela Hadžimešić inela@soc.ba 033/551-000</p>
<p>29.11- 13.12.2017.</p>	<p><b>KAMPANJA</b> <b>Prepoznaj seksualno uznemiravanje!</b></p> <p>Žene su od rane dobi nerijetko žrtve seksualnog uznemiravanja. Uznemiravanje se dešava u školi, na ulici, na poslu, u javnom gradskom prevozu, u kući, na koncertima, u pozorištu.</p> <p>Stoga, kada nam neko na ulici kaže "Jesi dobra", to nije kompliment, to kod žena izaziva strah, poniženje i nelagodu. Kada neko donosi zaključke na osnovu našeg izgleda, plašimo se od onoga što bi moglo uslijediti. Kada</p>	<p>Sarajevo, Tuzla, Mostar i Banja Luka</p>	<p>Maida Zagorac maida@soc.ba 033/551-000</p>

	<p>u javnom gradskom prevozu dodiruju naše tijelo, osjećamo se poniženo i uznemireno.</p> <p>Ovo su neki od mnogih oblika seksualnog uznemiravanja. Od 29. novembra do 13. decembra 2017, Sarajevski otvoreni centar postavlja u javni prostor kampanju simboličnog naziva: <i>Prepoznaj seksualno uznemiravanje</i>. Kampanja će biti vidljiva na više lokacija u Sarajevu, Tuzli, Mostaru i Banjaluci. Ovom kampanjom želimo poslati poruku počiniteljima ovih djela koja to ponašanja predstavljaju seksualno uznemiravanje, te da je seksualno uznemiravanje zabranjeno zakonom. Također želimo ukazati da ujedno budi i osjećaj prestrašenosti, poniženja i nelagode kod žena!</p> <p><i>Bilbord kampanja se realizira uz podršku Švedske agencije za međunarodni razvoj i saradnju (SIDA).</i></p>		
<p>29.11.2017. 12:00 sati</p>	<p><b>OKRUGLI STO</b> <b>Djelujmo zajedno - Kako do većeg učešća žena u izvršnoj vlasti u BiH</b></p> <p>Skoro petnaest godina od usvajanja Zakona o ravnopravnosti spolova u BiH koji nalaže obaveznu minimalnu zastupljenost oba spola u tijelima izvršne, zakonodavne i sudske vlasti u procentu od 40%, zastupljenost žena u tijelima izvršne vlasti u BiH je jedva 20%. Ravnopravna zastupljenost predstavnika_ica oba spola u političkom životu, na najvažnijim funkcijama je ključno i za ravnopravnost muškaraca i žena u svim drugim oblastima života. Na pronalasku rješenja za ovaj problem radit ćemo sa zastupnicima_ama državnog, entitetskih te kantonalnih parlamenata. Na okruglom stolu ćemo otvarati najbitnija pitanja, pronalaziti rješenja,</p>	<p>Sarajevo</p> <p>Učešće na okruglom stolu moguće je na prethodni poziv organizatora.</p>	<p>Maida Zagorac maida@soc.ba 033/551-000</p>

	<p>diskutovati i planirati naše buduće aktivnosti u ovoj oblasti.</p> <p><i>Događaj organizuju Sarajevski otvoreni centar i Fondacija Friedrich Ebert u Bosni i Hercegovini.</i></p>		
28.11.2017 11:05 sati	<p><b>RADIO EMISIJA</b> <b>Žene u političkom životu u BiH</b></p> <p>2016. godine održani su lokalni izbori u BiH, procenat izabranih žena, iako neznatno povišen, najviši je do sada – prosječni postotak osvojenih mandata, tj. učešća žena u općinskim/gradskim vijećima je 18,34%. U četiri općine nije izabrana niti jedna žena, a samo u jednoj općini su žene dostigle 54,55%, tj. od izabranih 11 vijećnika_ca, 6 je žena (Opština Kupres, Republika Srpska).</p> <p>Šta nam govore ove statistike? Pokazuju da, iako Zakon o ravnopravnosti spolova u BiH predviđa najmanje 40% političke zastupljenosti žena u svim nivoima vlasti, to nije slučaj ni ovaj put, kao što taj procent nismo dostigli ni na jednom općim, niti lokalnim izborima u BiH do sada. U proteklih deset godina se nismo značajno odmakli_ od 20% zastupljenosti žena u predstavničkim tijelima na državnom, entitetskom, kantonalnom i lokalnom nivou. Sve ovo je jako zabrinjavajuće, u kontekstu ostvarivanja ravnopravnosti spolova u političkom životu, što je ključno i reprezentativno za ravnopravnost muškaraca i žena u svim drugim oblastima života.</p> <p>Diskutuju: Davorin Semenik, sekretar Komisije za ostvarivanje ravnopravnosti spolova PD PSBiH, Jasna</p>	BH radio 1	Inela Hadžimešić inela@soc.ba 033/551-000

	<p>Duraković, zastupnica u PD PFBiH i predsjedavajuća Komisije za jednakopravnost spolova PD PFBiH i Emina Bošnjak, izvršna direktorica Sarajevskog otvorenog centra. <i>TBC</i></p> <p><i>Aktivnost se realizira uz podršku The National Endowment for Democracy</i></p>		
<p>1.12.2017. 18:00 sati</p>	<p><b>PROMOCIJA KNJIGE</b> <b>Liderke izbliza</b></p> <p>Autorica Jelena Milinović je napravila pionirski korak u proučavanju liderstva žena u Bosni i Hercegovini. Ona je pokazala da su lične, porodične i društvene okolnosti djelovale na „izrastanje“ i stasavanje liderki u kontekstu evropske periferije.</p> <p>Nalazi ove publikacije ukazuju da feministička perspektiva može dati važan doprinos u proučavanju složenosti roda i liderstva i na taj način doprinijeti boljem razumijevanju rodnih nejednakosti i hijerarhija moći. Ne propustite priliku da o svemu ovome, ali i o brojnim drugim temama diskutujete sa Jelenom Milinović, autoricom publikacije, diskusiju će moderirati Đorđe Krajišnik. Na pomociji će govoriti i gošća iznenađenja.</p> <p><i>Prmocija se realizira uz podršku Švedske agencije za međunarodni razvoj i saradnju (SIDA).</i></p>	<p>Banja Luka Muzički paviljon Staklenac Park Petra Kočića bb</p> <p>Ulaz na događaj je besplatan, dođite na vrijeme da zauzmete svoje mjesto.</p> <p>Događaj je na B/H/S jeziku</p>	<p>Maida Zagorac maida@soc.ba 033/551-000</p>

<p>2.12.2017. 11:00 sati</p>	<p><b>RADIONICA</b> <b>Partnerski odnosi - izazovi u svakodnevnici</b></p> <p>Ovaj susret ćemo iskoristiti kako bi razmijenili_e iskustva o našim strepnjama, teškoćama i radostima u partnerskim odnosima, sa ciljem da steknemo nova znanja i vještine, da bi se sa njima bolje nosili u budućnosti.</p> <p>Radionica je i edukativnog karaktera te ćemo na njoj govoriti o fazama odnosa, o konfliktima i razlikama i tome kako da ih konstruktivno rješavamo, o pitanjima autonomije, granica i zajedništva unutar odnosa.</p> <p>Promišljat ćemo kako homofobija utiče na naše odnose i na naša emotivna očekivanja od drugih. Dođite da zajedno identifikujemo neke nove načine kako da se međusobno podržavamo i da steknemo nova znanja o tome kako da stvaramo odnose u kojima možemo biti sretni_e.</p> <p><i>Događaj se realizira uz podršku Švedske agencije za međunarodni razvoj i saradnju (SIDA).</i></p>	<p>Sarajevo</p> <p>Učešće na radionici je moguće uz prethodnu najavu na nikola@soc.ba</p> <p>Događaj je na B/H/S jeziku.</p>	<p>Nikola Kuridža nikola@soc.ba 033/551-000</p>
<p>5.12.2017. 11:05 sati</p>	<p><b>RADIO EMISIJA</b> <b>Rodno zasnovano nasilje</b></p> <p>O problemu rasprostranjenosti rodno zasnovanog nasilja govori se iz godine u godinu. Nažalost, rodno zasnovano nasilje je jedna od rijetkih oblasti u kojima BiH drži korak sa ostalim državama. Porazna statistika pokazuje da je svaka treća žena pretrpjela neki vid rodno zasnovanog nasilja. Nasilje se očituje na razne načine - pored fizičkog, postoji ekonomsko, psihološko, seksualno nasilje. Ogroman broj žena trpi i seksualno</p>	<p>BH radio 1</p>	<p>Inela Hadžimešić inela@soc.ba 033/551-000</p>

	<p>uznemiravanje. O ovom gorućem problemu razgovaraju Tijana Cvjetićanin: UG Zašto ne, Vladana Vasić: menadžerica zagovaranja u Sarajevskom otvorenom centru, Jasmina Mujezinović: direktorica Fondacije lokalne demokratije te Elmaja Bavčić: OSCE misija u BiH, stručnjakinja za ravnopravnost spolova. <i>TBC</i></p> <p><i>Aktivnost se realizira uz podršku The National Endowment for Democracy</i></p>		
--	---	--	--